

# Zela zela Mokomboso azanga mokila

Lisap'óngé!

Ónge!

Baí boyamba lisapo eee

Eeeeeee

Ezaláká mokɔɔ mɔkɔ́, na mbóka yɔkɔ boye, banyama bánso bafándáká na bangó epái yɔkɔ́. Bóngó ezaláká mokɔɔ mɔkɔ́ Motúli mɔkɔ́ ayei kobima, abandí kotámbola. Etámbólákí Motúli, ayekokútana na nyama Mokómbósó. Mokómbósó mpé amóyambí na motéma molámu mpenzá. Alobí: « ngái Motúli ya mikíla. Nayeí kotúla mikíla epái ya bínɔ́ » « ah malámu »

Mokómbósó amóyambi, amópésí esíká ya boláli. Ayambí yě na esengo nyɔ́nsɔ lokóla ndeko wa yě. Motúli ayei koyébisa Mokómbósó: « yébísá bandeko nyɔ́nsɔ ngái nayeí kotúla mokíla, báya nátúlela bangó mokíla ». Mokómbósó mpé na bolingo ya bandeko bayě asalí abetí keleló óyo babéngaka epái na bísó likembé: « kúlú kúlú kúlú, bandeko bóyâ, bóyâ, bóyâ, motúli ayei kotúla mikíla ». Banyama bayókí.

Bóngó akobanda mosála mokɔɔ mwa eyenga. Nkoi, eyókákí yě bóngó, Nkoi akómí moto wa libosó. Nkoi ayei, akómí epái ya Motúli. Motúli asalí makambo na yě, bonganga bwa yě boye tii atúlélí Nkoi mokíla. Makáko mpé azalákí mpembéni wána. Makáko mpé ayei kobima lisúsu. Motúli azwí atúlélí mpé yě lisúsu mokíla. Ba óyo wána bakei, banyama bánso babandí koyâ na molɔngɔ, na molɔngɔ. Nzóka Mokómbósó, makambo wána nyɔ́nsɔ bazá kosála na ndáko na yě.

Lisap'óngé!

Ónge!

Baímbóka boyambaka lisapo eee

Eeeeeee

Esíká te Mokómbósó áloba te moníngá, ngái ozá naínɔ epái na ngái, bandá na ngái, bongó ósúka na bato basúsu kasi yě zelá zelá na yě káka azózela káka ayebí káka: « ah likambo té, ápesa nainɔ bato, óyo ya ngái ndé akosála óyo ya nsɔ́mɔ ». Motúli abandí kotúla. Asilísí banyama baiké. Ekomí mokɔɔ mɔkɔ́ na ntɔ́ngɔ, nsango eyéi koyâ epái na yě na maloba maye: « Motúli, ndéngé yɔ́ ozalí áwa, zóngá mbángu mbángu, sɔkí okei té mwána wa yɔ́ akobíka té, akobíka té ». Motúli ntángo ayokákí nsango wána moníngá wa yě Mokómbósó azalákí té. Alobí: « nakókí mpé kokende ndéngé wána té. Malámu názela moníngá wa ngái sɔkí ayei náyebisa yě te moníngá oyambakí ngái malámu, tálá nsango eyei kúná mwána wa ngái bokɔɔnɔ boleki makási sɔkí nakómí té mwána akokúfa. Nzókandé Mokómbósó azótámbóláká na zámbo. Ntángo ayei moníngá así akangí bisaka nyɔ́nsɔ afándísí akangí bisáleli bya yě nyɔ́nsɔ óya kotúla mikíla.

Motúli abéngí yě: « Moníngá, nazá na nsango ya mabé » « níni lisúsu moníngá wa ngái » « ndéngé ezalí káka sik'óyo ngái nazalí kokende, mwána kúna bokɔɔnɔ boleki. Sɔkí nakómí lelb té akobíka té »

Lisap'óngé!

Ónge!

Bayimbóka boyambaka lisapo eee

Eeeeeee

Mokómbósó avándí nyê alobí: « ah moníngá, ngái na yǎ tomesení, tozá kolía, tozólála esiká mǎkǎ, bǎngó sik'óyo okokende ótulelí ngái mokíla té?»

« Moníngá, nakangí bisáleli bya ngái nyǎnsǎ, nakangí yangó. Mosála mozalí té mais nalingakí kokende ndéngé wǎna té lokóla yǎ oyambakí ngái, navandí na ndáko na yǎ, yangó nazelí yǎ, nalaka yǎ. Ndéngé yǎ oyeí boye Mokómbósó naólaka yǎ ». Mokómbósó afúkámí mabǎngǎ epaí ya motúli « Motúli sǎkí otíkí ngái boye ekosímbe té ». Motúli alobí: « Té ndeko na ngái, tozalákí na yǎ áwa mikǎls nyǎnsǎ, ngong'óyo boye nayebí elǎko níni nasála té. Na mawa ya motúli, lokóla yě mǎkǎ ayebí káka ndéngé asálaka, mpó ásepelisa moníngá wa yě Mokómbósó, abendí káka bikelákela bya yě, bínso ya mosálá té, káka ndámbo óyo amekí káka kofungola áwa, mpó na kokitisa káka moníngá na yě kándá óyo azá n'angó te akozángá. Alobí « moníngá, óyo nazókosála, endimisámí na bonganga bwa ngái té, óyo nakopésa yǎ káka te ozalákí moníngá, oyambakí ngái, tozóliá na yǎ, tozómele na yǎ. Yǎ makambo eyákí na ndáko na yǎ. Yǎ mǎkǎ káka zelá zelá kasi nakokí kotíka boye té ».

Motúli azwí lobǎko akotísí, abéngí moníngá « yáká ». Amósali be etení ya mokíla ya mokeé, alobí: « óya yǎ ndámbo óyo ozwí yangó wǎná, moníngá melesi míngi, ngái nakeí.

Lisap'óngé!

Óngé!

Baímbóka boyambaka lisapo eee

Eeeeeee

Ntína ya lisapo ya bisó lizalí boye « Mokómbósó azángáká mokíla likoló na zelá zelá.